

446/25

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**Grad Zenica**  
**Sektor za javna preduzeća i javne ustanove**

Broj: 19-222/25  
Zenica, 28.05.2025. godine

## **STRUČNA SLUŽBA GRADSKOG VIJEĆA**

**PREDMET:** Izvještaj o radu Zeničke razvojne agencije ZEDA d.o.o. za 2024. godinu

Sektor za javna preduzeća i javne ustanove u ime Osnivača razmotrio je Izvještaj o poslovanju Zeničke razvojne agencije ZEDA d.o.o. Zenica za 2024. godinu sa pripadajućim setom izvještaja i konstatuje sljedeće:

U 2024. godini Agenciju ZEDA je zastupao direktor Senad Pašalić, dok su funkciju Nadzornog odbora obavljali Ljubinka Mičić, Davor Sušić i Ajla Čosić. Ajla Čosić je navedenu funkciju obavljala do 04.07.2024. godine, a do kraja izvještajnog perioda Amra Mehmedić.

Primarni cilj Agencije jeste ekonomski razvoj, pomoć razvoju lokalnih MSP, dizajniranje i implementacija projekata koji će unaprijediti zapošljavanje i samozapošljavanje, podizanje konkurentne sposobnosti zeničkim MSP, radne snage, te u suradnji sa Gradom Zenica i Službom za privredu, gradsku imovinu i upravljanje razvojem doprinijeti kreiranju povoljnog ambijenta za razvoj poduzetništva i razvoja lokalne zajednice.

Na dan 31.12.2024. godine u Agenciji ZEDA bilo je zaposleno ukupno 13 radnika i 3 volontera/pripravnika u okviru programa sticanja Prvog radnog iskustva.

Aktivnosti Agencije kao i prethodnih godina i u 2024. godini bile su u potpunosti usklađene sa strateškim dokumentima viših nivoa, a prije svega prema Strategiji razvoja Grada Zenica za period 2023 – 2027 godina.

U izvještajnom periodu Poslovna zona Zenica 1 broji 149 privrednih subjekata sa 1.733 zaposlenih (u 2023. godini u Poslovnoj zoni je egzistiralo 140 privrednih subjekata sa 1.701 zaposlenih). Prostor je popunjen 94% u odnosu na ukupnu korisnu površinu Zone. Završeni su radovi na proširenju Biznis inkubatora, odnosno renoviranju zgrade Techno parka Aneksa B čime se dobilo 33 nova kancelarijska prostora za potrebe novih privrednih subjekata.

Agencija je nastavila sa realizacijom projekta Prvo radno iskustvo. Nosilac projekta je Grad Zenica, dok je Agencija ZEDA partner u istom. Budžet projekta je cca 200.000 KM, a nakon provedene procedure primljeno je 34 lica na stručno osposobljavanje (8 VSS i 26 SSS stručne spreme). U okviru promocije poduzetničkog duha i poduzetništva mladih i stvaranje partnersta, te promocije Biznis inkubatora, Agencija je uzela, kao partner, učešće i na Sajmu ZEPS 2024 koji se održao u periodu od 01.-5.10.2024. godine. U toku 2024. godine laboratorija LIND kontinuirano je radila na realizaciji ispitivanja namještaja, građevinske stolarije (prozora i vrata) i opreme za dječija igrališta za kupce. Pored uspješne reakreditacije laboratorije bitno je spomenuti i proširenje metoda ispitivanja za 4 nova standarda i to za oblast građevinske stolarije i dječijih igrališta.

U izvještajnom periodu organizovani su programi i edukacije poput obuka za pisanje projekata s naglaskom na EU grantove i IPA projekte, kako bi se pomoglo malim poduzetnicima u pribavljanju bespovratnih sredstava.

Agencija je u periodu 01.01.2024. do 31.12.2024. godine ostvarila ukupan prihod u iznosu od **1.511.585 KM**, što je u odnosu na isti period prethodne godine smanjenje za 496.529 KM ili 24,7%. Najveći prihodi su evidentirani na kontu Ostali poslovni prihodi i dobici, u iznosu od 1.475.176 KM (97,6% ukupnog prihoda). U 2024. godini prihodi su umanjeni u odnosu na prethodnu godinu za sredstava koja su se odnosila na projekat inNovaNEt u iznosu od 694.446 KM, a utrošena su na renoviranje objekta Aneksa B.

Ostvareni su ukupni rashodi u obračunskom periodu u iznosu od **1.477.805 KM**, što je u odnosu na isti period prethodne godine smanjenje za 436.940 KM (22,8%). Najveći rashodi su – Ostali poslovni rashodi i troškovi u iznosu od 637.280 KM što je 43,1% ukupnih rashoda.

Ostvarena neto dobit Agencije za period 01.01. – 31.12.2024. godine iznosi **27.501 KM**.

Na dan 31.12.2024. godine stanje potraživanja, novčanih sredstava i obaveza iznosi:

- <b>Kratkoročna potraživanja (kupci)</b>	<b>60.642 KM</b>
- <b>Novčana sredstva</b>	<b>145.662 KM</b>
- <b>Kratkoročne obaveze (dobavljači)</b>	<b>34.486 KM</b>

Uredno i na vrijeme su izmirivane obaveze prema zaposlenima, državi i dobavljačima.

U 2024. godini Nadzorni odbor je održao ukupno 12 sjednica. Na osnovu predloženog Izvještaja o radu za 2024. godinu, sa pratećom dokumentacijom, konstatovali su da je Agencija u izvještajnom periodu izvršila povjerenu funkciju, te su dali pozitivnu ocjenu za rad Agencije i direktora.

Reviziju finansijskih izvještaja obavilo je Društvo za reviziju, računovodstvo i konsalting „Etic“ d.o.o. Zenica, te su dali mišljenje sa rezervom. Finansijski izvještaji prikazuju se objektivno, u svim materijalno značajnim stavkama, finansijski položaj Agencije na dan 31.12.2024. godine, te rezultati njenog poslovanja i promjene u novčanom toku za godinu koja je okončana u skladu sa međunarodnim standardima finansijskog izvještavanja i računovodstvenim propisima koji se primjenjuju u FBiH.

Služba za privredu, gradsku imovinu i upravljanje razvojem, kao resorna služba, na osnovu Izvještaja o radu Zeničke razvojne Agencije ZEDA za 2024. godinu, Izvještaja o radu Nadzornog odbora, i Izvještaja nezavisnog revizora konstatuje da isti realno oslikavaju stanje poslovanja i rad menadžemanta Agencije, te predlažu usvajanje istih.

Sektor za javna preduzeća i javne ustanove dostavlja Izvještaj o radu Zeničke razvojne agencije ZEDA d.o.o. Zenica za 2024. godinu, sa pratećim izvještajima, Gradskom vijeću na dalje razmatranje i odlučivanje.

#### PRILOZI:

1. Izvještaj o radu Zeničke razvojne agencije ZEDA d.o.o. za 2024. godinu, sa Odlukom Nadzornog odbora o usvajanju istih sa svim ostalim pratećim izvještajima i materijalima,
2. Izvještaj o radu Nadzornog odbora za 2024. godinu,
3. Izvještaj o radu Direktora za 2024. godinu,
4. Finansijska revizija zeničke razvojne agencije ZEDA d.o.o. Zenica za 2024. godinu.

S poštovanjem,

#### DOSTAVLJENO:

1x Naslov  
1x a/a



Šefica sektora za JP i JU  
po ovlaštenju

*Berina Halilović-Mehić*  
Berina Halilović-Mehić